

I ara ake ano a te Karaiti, i te toru o nga ra, i pera me ta nga karaipiture. I Kori 15, 4.

Kaua ano e tukua o koutou wahi hei mahi he ki te hara engari tukua atu koutou ki te Atua, he hunga kua ora i roto i te hunga mate, me o koutou wahi hei mahi tika ki te Atua. Rom. 6, 13.

TE PIHOPA O AOTEAROA I WHAREKAURI

No nga ra whakamutunga o Pepuere ka whakawhiti Te Pihopa o Aotearoa ki Wharekauri he toro i era o Te Maara Waina a Te Kaihanga kaore ano nei i tirohia atu mo nga tau maha e tetahi minita maori. He nui te pohiritia me te whakamanuhiritia o Te Pihopa.

Tekau ma whitu ona ra ki Wharekauri. e mahi ana i nga ra katoa. He nui tona whakamihhi ki te pai me te kaha o te minita pakeha raua ko tena wahine ara Rev. me Mrs Barnett. Kei te nui hoki te manaakitia o raua e taua iwi.

Tekau ma whitu nga karakia nunui i whakahaeretia. Mahue ake i a ratou o ratou ake haahi, ka hui katoa mai ki te whakanui i te taenga atu o Te Pihopa.

Hui katoa mai nga tangata o te motu ki te karakia i Oweunga. No te Mane ko te ngahau omaoma. a. na Te Pihopa i whakawhiwhi nga 'paraihe.'

No te Turei ka haere atu ia ki Waitangi. ka haere atu ki Tiroto, ki Wairua. i te kainga ia o Tamihana. I reira e hui mai ana te iwi. a e rua nga karakia i reira. No te ata ka hoki mai ia ki Te One. i reira era whakamanuhiritanga. Awina ake ka haere atu ia ki Big Bush. ko Piwara te tangata whenua I reira te tangata e noho ana, nui atu. Ko te mea nui i taua kainga ko te taonga i tetahi hanga tino nui. Kaore pea e taea atu e tatou i te tuawhenua nei te tao pera i te hanga. u

No te Ratapu whakamutunga i Waitangi. i hui ai te iwi ki te korororero mo nga mahi o te haahi. I nga karakia he maha nga wa i kore ai e uru katoa ki roto i nga whare karakia.

No te Mane ko te hui poroporoaki, ko nga pakeha i tu mai ko Mr. Henderson me Rev. Barnett a ko Tiwai mo te iwi maori i tu mai me te waiata mai i te waiata Moriori. Kua ngaro te reo menga waiata moriori i a ratou.

I whaikorero mai ano hoki a Piri Pomare, taina o Ta Maui. E rua nga wahine i tu mai ki te waiata me nga tamariiki ki te poi. Kanui te pai. Kanui hoki te mihi o Te Pihopa mo te nui o te manaaki a taua iwi i a ia.

Tena mea a te tuna nui atu kei nga roto. Te ika kei nga wahi katoa o te motu. Ko nga moni i whakapaua ki nga kai mahi ika £15,000 nga keehi ika i tukua mai i tera tau ki enei